

ጳውሎስ ቆርንቶሳ አሳው ፃፊዳ ላዔንሶ ኪታ ጌሉዋ

ጳውሎስ ቆርንቶሳ አሳው ፃፊዳ ላዔንሶ ኪታይ ፃፊቱዳዊ፣ ጳውሎሳው ቆርንቶሳን ዳዒያ አማኒያ አሳና ዳዒያ ጋኬላይ ዳር ማቱዋ ጊደ ጌሊ ኡቴዳ ዋዲያና። ኢቲ ኢቲ አማኒያ አሳቱ ኢቲ ኢቲ ቶሺያ ጳውሎሳ ሰላ ዋሌዲኖ፤ ጊደፔኔ ጳውሎስ ሲጋቲላ ማቶና ላዋታይ ባሬው ዳዒያዋ ቤሲዴ፣ ሄዌ ሃኒያ ዋዴ ዋልቃማ ናሹቻ ናሹታናው ዳንዳዪያዋ ቆንጨሴ።

ሃ ኪታ ኮይሮ ደማላን ጳውሎስ ቆርንቶሳን ዳዒያ አማኒያዋንቱና ባሬው ዳዒያ ጋኮቴላ ቆንጨሴዴ፣ አማኒያዋንቱ ጊደን ዴንዴዳ ቶሺያሲኔ ጳልቄሳሲ፣ ኢ ኡንቱንቶ ኣያሲ ሚኖ ዛሩዋ ኢሜዴንቶ ኦዴ። ሄዋናካ ጋሊዴ ሃዌ ኣ ሴራይ ኡንቱንታ ናጋራፔ ሲማሲኔ ሲጋቲላው ካሌሌዳ ዲራው፣ ሲሴቴዳ ናሹቻ ኡንቱንቱሲ ቆንጨሴ። ካሊዴ ቃሲ ዪሁዳን ዳዒያ አማኒያዋንታ ማዲያዋ ባሬንቱዋፔ ጮ አማና ማላ፣ ኡንቱንታ ሃሳዪሴ። ወርሴላ ሸምፓቱዋን ጳውሎስ ዩሱሳፔ ኪቴዳዋ ጊዲያዋ ሰላ ሸቄዳ ሞቱዋሲ ዛሩዋ ቃላ ኢሜ። ኣዪሲ ጎፔ፣ ቆርንቶሳ አማኒያዋንቱ ጊደን ኢቲ ኢቲ አሳቱ ባሬንታ ቱሙ ዩሱሲ ኪቴዳዋንታ ኬሲዴ፣ «ጳውሎስ ዩሱሲ ኪቴዳዋ ጊዴና፤ ኢ ዋርዲዋ» ያጊዴ፣ ኣ ሞቲኖ።

ሸምፓቱዋ ኡባቱዋሲ ኢሜቴዳ ቃንሳ ቆፋቱዋ

- ኡባፔ ሲንላቲያ ዩወዋ (1:1-11)
- ጳውሎሳኔ ቆርንቶሳን ዳዒያ አማኒያዋንታ (1:12-7:16)
- ዪሁዳን ዳዒያ አማኒያዋንቶ ኢሜቴዳ ማዲዋ (8:1-9:15)
- ጳውሎስ ባሬ ኪቴቴዳ ማታው ኤቄታናው ሺሺዳ ቃላ ማርካ (10:1-13:10)
- ወርሴላ ቁቲያ (13:11-14)

1 ታኒ ጳውሎስ፣ ያሳ ሸኒያን፣ ኪሪሰቶሲ ዩሱሲ ኪቴዳዊኔ ኑ ኢሻይ ዪሞቶሲ ያሳው ጎዪኒያ ቆርንቶሳ ካታማን ዳዒያ አማኒያዋንቱኔ ኣካዪያን ዳዒያ ያሳ ናናቶ ሃ ዳቢዲቢያ ፃፊቶ።

2 ያሳ ኑ አወዋጥኔ ጎዳ ዩሱሲ ኪሪሰቶሳ፤ አቶ ኬካቴላዪኔ ሳሮቴላይ ሂንቴንቶ ገደ።

ጳውሎስ ያሳው ሺሼዳ ጋላታ

3 ያሳ ኑ ጎዳ ዩሱሲ ኪሪሰቶሳ አወዋ፣ ማርቴላ አወዋኔ ማንሌሉዋ ኡባ ያሳ ጋላታይ ጋኮ፤ 4 ያሳይ ኑና ኑ ሁጳው ማንሌሌዳ ማንሌሉዋዳን፣ ዳሮ ዋዪያ ዋዬቲያዋንታ ኑኒካ ማንሌላናዳን፣ ኑ ዋዪያ ኡባን ኢ ኑና ማንሌሌ። 5 አዪሲ ጎፔ፣ ኑኒ ኪሪሰቶሳ ባጋና ዳሮ ዋዪያ ዋዬቲያዋዳን፣ ሄዋዳንካ፣ ቃሲ ኑና አ ባጋና ዳሮ ማንሌሉዋን ማንሌሌ። 6 ኑኒ ዋዬቶፔ፣ ሄዋ ሂንቴና ማንሌላናሳኔ ሂንቴና አሻናሳ፤ ቃሲ ኑኒ ማኔቶፔ፣ ኑኒ ዳንዳዬዳ ዋዪያ ማላ ሂንቴካ ገንጨዴ ዳንዳያና ማላ፣ ያሳይ ሂንቴወካ ቃሲ ማንሌሉዋኔ ዳንዳያ አማናሳ። 7 ሂንቴ ዳማና ገደ፣ ሂደታን ናገ ኡቴዳዋ ዳሮ ማና፤ አዪሲ ጎፔ፣ ሂንቴ ኑናና ዋዬቲዳዋዳን፣ ሄዋዳን ማንሌሉዋካ ኑናና አካናዋ ኑኒ ኤሬቶ።

8 ኑ ኑናዳን ያሳ ካሊያዋንቶ፣ ኑኒ ኢሲያ ጋዲያን ዋዬቲዳ ዋዪያ ሂንቴና ሃሳዪሳናው ኮዬቶ፤ ኑ ዋዪ ኑ ዋልቃፔ ዳሪና፣ ኑና ዋዪ ገደ፣ ሂርጋና ጋካናው፣ ኑና ዋጋይ ባዪናዋ ዳዌዳ። 9 ኑኒ ኑ ቦላ ሃዪቁዋ ፐርዳይ ፐርዳቲዳ ያገደ ቆፔደ፤ ሺን ሄዋ ሃኔዳዋ ሃይቄዳ አሳ ሃይቁዋፔ ዳንሌያ ያሳን ኑኒ አማኔታናፔ አቲን፣ ኑ ሁጳያን አማኔቲናዳና። 10 ያሳይ ሃዋ ማላ ኢታ ሃዪቁዋፔ ኑና አሺዳ፤ ኢ ኑና አሻና፤ ሲንላፔካ ኢ ኑና አሻናዋ ገደ፣ ሂደታን ናገ ኡቴደ። 11 ሂንቴ ዋሴዳ ዳሮ ዋሳን ኑሲ አንጂ ሲሜዳ ዲራው፣ ዳሮ አሳይ ኑ ዲራው ያሳ ጋላታና ማላ፣ ሂንቴካ ቃሲ ኑና ዋሳን ማዳና ኮሺ።

ለማቴዳ ጳውሎሳ ቆፋ

12 ኑኒ ጨቁቲያዋ ሃዋ፤ ሃ ሳዓን ኑኒ ዳዒያ ዳዑ፣ ኡባ ቃሲ ሂንቴናና ኑሲ ዳዒያ አቲፔቴላይ ያሳ አቶ ኬካቴላናፔ አቲን፣ አሳ አጄዳ ኤራቴላና ገደናዋ፣ ቃሲ ያሳይ አሜዳ ገሻቴላኒኔ ሱራቴላን ኑኒ ዳዒያዋ ዋዛና ቆፋይ ኑሲ ማርካቴ። 13-14 አዪሲ ጎፔ፣ ሂንቴ ናባባናወኔ አኪካናው ዳንዳዪያዋ ፃላላ ሂንቴንቶ ፃፊያዋፔ አቲን፣ ኑኒ ሃራባ ሂንቴንቶ ፃሮኮ። ኑ ጎዳ ዩሱሳ ጋላሲ ኑኒ ሂንቴናን ጨቁታናዋዳን፣ ሂንቴካ ኑናን ጨቁታና ማላ፣ ሂንቴ ሃዒ ወርሲ አኪኪና ዩወዋ ገደኒ ወርሲ አኪኪና ጋዴ ቆፓይ።

15 ሄዋ ታኒ ሎይላ ኤራዳ ዲራው፣ ሂንቴ ላዑ ጌዴ ጎዔታና ማላ፣ ኡባፔ ካሴታዴ ሂንቴኮ ባናው ቆፋ ቃቻዳ። 16 ታኒ ማቀደኒያ ባዴ ሂንቴናና ጋኬታናዋኔ ቃሲ ያፔ ሲማዴ ሂንቴ ማታና ዪሁዳ አጂሺን፣ ሂንቴ ታና ማዳናዋ ቆፓ ኡታዳ። 17 ሄዋ ዲራው፣

ታሪ ሄዋ ቆፓዴ ታናን አማኔታቤይኪታ? ታሪ ታ ቆፋ ቃቺያ ዎዴ፡ ሳሳ አሳዳን ኢቲ ኩላን፡ «ኤ፡ ኤ» ዎይ፡ «ጊዴና፡ ጊዴና» ጋናው ጊጋ ኡታዲታ?

18 ሺን ያሳይ አማኔቲዳዎ ጊዲያዌ ቱማ ጊዲያዎዳን፡ ኩኒ ሂንቴንቶ አዲያ ቃላይ «ኤ» ጊያዎኔ «ጊዴና» ጊያዎ ጊዴና። 19 አዪሲ ጎፔ፡ ታሪ፡ ሲላሴኔ ዓሞቶሲ ሂንቴ ጊዲን አዴዳ ያሳ ናዓይ፡ ዬሱሲ ኪሪሰቶሲ «ኤ» ጊያዎፔ አቲን፡ «ጊዴና» ጊያዎ ጊዴና። ሺን ያሳ ባጋና ኢ ኡባ ዎዴካ «ኤ»። 20 አዪሲ ጎፔ፡ ያሳይ አማና ጌዳባው ኡባው ኤኖ ጌዳዌ ኪሪሰቶሳ ባጋና ፖሌታና፤ ሄዎ ዲራው፡ ኩኒ ኪሪሰቶሳ ባጋና ያሳ ቦንቾ፡ አማንዲ * ጌቶ። 21 ያሳይ ኪሪሰቶሳ ባጋና ኑናኔ ሂንቴና ማንሌሌኔ ኦኬ። 22 ኩኒ አዎ ጊዲያዎ ኤሪሲያ ማታፋ ኢ ኑ ቦላ ዎሌዴ፡ ባሬ ጌሻ አያና ዎሲያዳን፡ ኑ ዎዛና ጊዲን ዎሌዳ።

23 ቃሲ ታሪ ቆርንቶሳ ቤናን አጌዳዌ ሂንቴና ቆሄናዳና። ሄዎ ዎርዶ ጊዶፔ ታና ሙራናው ታ ሺምፑዎን ያሳይ ማርካ። 24 ኩኒ ሂንቴና ናሺቻናው ሂንቴናና ኢቲፔ አሊያዎንታፔ አቲን፡ ሂንቴ አማኒያዎን ሂንቴና ጎዴታናው ኮዪያዎንታ ጊዶኮ፤ አዪሲ ጎፔ፡ ሂንቴንቲ ሂንቴ አማኑሳን ማኒዴ ዴዒታ።

2

1 ታሪ ላዒንሉዎ ሂንቴና ካዮዬና ማላ፡ ሂንቴኮ ቤናዳን፡ ታ ቆፋ ቃቻዲ። 2 አዪሲ ጎፔ፡ ታሪ ሂንቴና ካዮዪያዎ ጊዶፔ፡ ሃ ታሪ ካዮዬዳ ሂንቴ ታና ናሺቻናፔ አቲን፡ ኦኔ ታና ናሺቻናዌ?

3 ታሪ ሂንቴንቶ ሄ ዳቢዳቢያ ዓፌዳዌ፡ ታና ናሺቻናው ቤሲያ አሳቱዎን ታሪ ካዮታናው ሂንቴኮ ባናው ኮያቤናዎሳ፤ ታሪ ናሺቲያ ዎዴ፡ ሂንቴ ኡባይካ ቃሲ ናሺታናዎ ሂንቴ ኡባን አማኔታይ።

4 አዪሲ ጎፔ፡ ታሪ ሂንቴንቶ ዳሮ ዎዪያኒኔ ቲጋን ቃሲ ዳሮ አፎላና ዓፌዳዌ፡ ሂንቴና ካዮያናሳ ጊዴና፤ ሺን ታሪ ሂንቴና ኡባቱዎ አይ ከና ሲቃይታንቶ ሂንቴ ኤራናዳና።

ባዪዛንቻው አቶ ጊያዎ

5 ሺን ኢቲ ኡራይ ሃራ ካዮዬዳዎ ጊዶፔ፡ ታሪ አ ዬወዎ ዳሪሳናው ኮዪኬ፤ ኢ ሂንቴና ኡባቱዎ ካዮዬዳፔ አቲን፡ ታ ዓላላ ካዮዪቤና። 6 ሂንቴፔ ዳሪያ ባጋ አሳይ ሄ ቢታኒያ ማላ አሳ ሄዎዳን ሙሮፔ፡ ሄ ሙራይ አው ጊዳናዎ። 7 ሄዎ ዲራው፡ ሄ ቢታኒ ሎይሊ ካዮቴና ማላ፡ ሂንቴ አው አቶ ጋናወኔ አ ማንሌላናው

* 1:20 አማንዲ: «አማንዲ» ጊያ ቃላይ ሃዎን «ኤ» ያጌቲያ ቢሌላ ኦይቱ።

ቤሴ። 8 ሄዋ ዲራው፣ ሂንቲ ኣ ሚኒሲዳ ሲቂያዎ ኢ ኤራና ማላ፣ ታኒ ሂንቲና ዋሳይ። 9 ኣዪሲ ጎፔ፣ ሂንቲ ታው ኣዛዜታናው ኡባ ዋዴ ገሊ ኡቲዲቲንቶኔ ቃሲ ፓጪያ ሂንቲ ዳንዳዪንቶ ኤራናው፣ ሄ ዳቢዳቢያ ሂንቲንቶ ፃፋዲ። 10 ኢቲ ኤራይ ናቁዳዎ ሂንቲ ኣቶ ገያ ዋዴ፣ ታኒካ ቃሲ ኣቶ ጋይ፤ ታኒ ኣቶ ጌዳዎ ገደፔ፣ ኣቶ ጌዳዎ ኣያኔ ኪሪሰቶሳ ሲንሳን ሂንቲ ዲራው፣ ኣቶ ጋዲ። 11 ሴፃናይ ኩፐ ዪዴ፣ ኩና ጨሚና ማላ፣ ታኒ ኣቶ ጋዲ፤ ኣዪሲ ጎፔ፣ ኩኒ ኣ ቆፋ ኤሬቶ።

ኦራላ ጨቁዎ ኦሳንቻቱዎ ያኑዎ

12 ታኒ ኪሪሰቶሳ ሚሺራቹዎ ቃላ ኦዳናው ደርዳዳ ቤዳ ዋዴ፣ ጎዳይ ያኒ ታው ፔንገያ ዶዪ ዋጮዳ። 13 ታኒ ታ ኢሻ ቲታ ያኒ ዴማቤና ዲራው፣ ታው ኣያናይ ሽምፒቤና። ሄዋ ዲራው፣ ያኒ ዴዲያ ኣሳ፣ «ሳሮ ዳዒቲ» ጋዴ ማቂዶኒያ ባዲ።

14 ሺን ኪሪሰቶሳ ባጋና ኡባ ዋዴ ኩና ያኖ ካሌሌያ ያሳ፣ ቃሲ ኪሪሰቶሳ ቲሚርቲያ ኩ ባጋና ሺቱዋዳን፣ ኡባሳ ጋሌያዎ ጋላታይ ጋኮ። 15 ኣዪሲ ጎፔ፣ ኩኒ ኣቲያ ኣሳ ገዲዋኒኔ ቆዪያ ኣሳ ገደን ኪሪሰቶሲ ያሳው ያርሺያ ሳወዎ ቶሺኩ ገያ ሺቱዎ ማላ። 16 ኩኒ ቆዪያዎንቶ ዜዲያ ሃይቁዎ፤ ቃሲ ኣቲያዎንቶ ዴዑዎ ኢሚያ ሳዊያ ሺቱዎ፤ ያቲና፣ ሄዎ ኦላናው ዳንዳዪያዊ ኦኔ? 17 ኩኒ ያሳ ቃላ ጌሎባዳን፣ ዋላኪዴ ዛለዲያ ሃራ ጮራ ኣሳቱዎ ማላ ገደኮ፤ ሺን ያሳይ ኩና ኪቲና፣ ኣማኔቲዴ ያሳ ሲንሳን ኪሪሰቶሳ ባጋና ቃላ ኦዴቶ።

3

ያሳ ኦራላ ጨቁዎ

1 ኩኒ ሺሬቲዴ፣ ኩ ሁጲያ ሳባናው ደሚዶዴ? ዋይ ሃራ ኣሳቱዎዋዳን፣ ሳባ ዳቢዳቢያ ሂንቲንቶ ዪዳናው ዋይ ሂንቲፔ ኣካናው ኮዬቶ? 2 ሂንቲንቲ ሂንቲ ሁጲያን ኣሳይ ኡባይ ኤራናዲኒኔ ናባባናዳን፣ ኩ ዎዛናን ፃፊቲ ኡቲዳ ኩ ዳቢዳቢያ። 3 ሃ ዳቢዳቢያ ኪሪሰቶሲ ባሬ ሁጲያን ፃፊዴ፣ ኩ ቦላ ኪቲዳዊ ቱማ፤ ሃ ዳቢዳቢ ዴዑዎ ያሳ ጌሻ ኣያናን ኣሳ ዎዛናን ፃፊቲዳዎፔ ኣቲን፣ ሹቻ ቦላ ቃላሚያን ፃፊቲቤና።

4 ኩሲ ኪሪሰቶሳ ባጋና ያሳን ሃዎ ማላ ኣማኑ ዴዴ። 5 ኩ ዳንዳያይ ያሳፔ ዪያዎፔ ኣቲን፣ ሃ ኦሱዎ ኩኒ ኩ ሁጲያን ኦላናው ዳንዳዬቶ ገያዊ ኩሲ ኣያዪኔ ባዎ። 6 ኩኒ ኦራላ ጨቆ ኦላና

3:3 ኬሰ 24:12፤ ኤርዎ 31:33፤ ሂዝ 11:19፤ 36:26

ማላ፡ ያሳይ ኑና ዳንዳዪቤዳ፤ ሄ ኦራላ ጫቁ ጌሻ አያናዋፔ ኦቲን፡ ፃፊቲዳ ሂጊያዋ ጊደና። ፃፊቲዳ ሂጊ ሃዪቁዋ ኦሄ፤ ሺን ጌሻ አያናይ ደዑዋ ኦሄ።

7 ሹቻ ዋጪዳ ፃፊዳ ሂጊ አሜቲያ ዋዳ፡ ያሳ ቦንቹ ቤቲዳ፤ ሙሴ ሶምዒያን ዳዒያ ጳሌላይ ጳዪያዋ ጊደፔካ፡ ሄ ጳሌላይ ደሮ ዋልቃማ ጊዲያ ዲራው፡ ኢሰራዔሊያ ኦሳይ ኦ ሶምዒያ ቲሽሽ ኦሴ ያላናው ዳንዳዪቤና። ሃዪቁዋ ኦሄያ ሂጊ ኦሴያ ኦሱ ሃዋ ማላ ቦንቹዋና ዪያዋ ጊደፔ፡ 8 ጌሻ አያናይ ኦሴያ ኦሱዋ ቦንቹ ኦይ ኬና ዳራኔ? 9 ኦዪሲ ጎፔ፡ ኦሳይ ፐርዳ ኦኪያ ኦሱ ቦንቹ ጊደፔ፡ ኦሳይ ዒሊያ ኦሱዋ ቦንቹ ዋኒዳ ዳራንዳሻ? 10 ኦዪሲ ጎፔ፡ ካሴ ቦንቹ ሃዒ ባሬፔ ሎይሴ ኦሲያ ቦንቹዋ ጋሱዋን ቦንቹዋ ጳዬዳዌ ቱማ። 11 ኦዪሲ ጎፔ፡ ሄ ጳዬዳዋን ቦንቹ ዳዒያዋ ጊደፔ፡ ሜጲናው ዳዒያዋን ኦይ ኬና ዋልቃማ ቦንቹ ዳዒንዳሻ?

12 ኦኒ ሂዶታን ናጊያ ሃዋ ማላባይ ኦሲ ዳዒያ ዲራው፡ ቆንጪያን ፃሊዳ ሃሳዬቶ። 13 ኢሰራዔሊያ ኦሳይ ጳዪያ ቦንቹዋ ዉርሴላ ቤዒና ማላ፡ ባሬ ሶምዒያ ናፃላን ካሜዳ ሙሴ ማላ ጊደኮ። 14 ሺን ኡንቱንቱ ዋዛናይ ዶንጪሌዳ፤ ኦዪሲ ጎፔ፡ ኡንቱንቱ ኤጫ ጫቁዋ ናባቢያ ዋዳ፡ ሃቹ ጋካናሲካ፡ ሄ ናፃላይ ኡንቱንቱ ዋዛና ካሚ ዋሌዳ፤ ኦኒኔ ከሪሰቶሳና ጋኬቲያ ዋዳ ፃላላን ሄ ናፃላይ ኪቹ። 15 ሺን ኡንቱንቱ ሙሴ ማፃፋ ናባቢያ ዋዳ ኡባን ሃቹ ጋካናሲካ፡ ሄ ናፃላይ ኡንቱንቱ ዋዛና ካሚ ዋሌዳ። 16 ሺን ያሳ ማፃፋይ፡ «ኦኒኔ ጎዳኮ ሲሚያ ዋዳ፡ ኦዉዴኔ ሄ ናፃላይ ቃሬቲ» ያጌ። 17 ጎዳይ ጌሻ አያና። ጎዳ አያናይ ዳዒያሳን ኦዪሌቲላይ ባዋ። 18 ኦኒ ኡባይካ ናፃላን ካሜቲቤና ሶምዒያን ጎዳ ቦንቹዋ ቤዒና * ቃሲ ጌሻ አያና ጊዲያ ጎዳፔ ዪያ ሄ ቦንቹ ኑና ባሬና ማላቲሲዳ፡ ቦንቹዋፔ ቦንቹ ላማና።

4

ጳዉሎሲ ባሬ ኦሱዋን አማኔቲዳ ኦሳ

1 ሲሚ ያሳይ ኦሲ ሃ ኦሱዋ ባሬ ማርቲላን ኦላናዳን አሜዳ ዲራው፡ ኦኒ ሳሌቶኮ። 2 ኦኒ ጌማን ኦሴያ ዬላዪያ ኦሱዋ ኡባ

3:6 ኤርሞ 31:31 3:7 ኬሰ 34:29 3:13 ኬሰ 34:33 3:16 ኬሰ 34:34 * 3:18 ናፃላን ካሜቲቤና ሶምዒያን፡ ኦቲ ኦሳ ዳዒያን ሲንላ ሃናናባይ፡ ካሃ ጋርሳን ጳልቁ ቤቲያዋዳን ጉሳ።

አጎይቲ፤ ቃሲ ጌኒያ ኦሎታካ ኦሎኮ፤ ወይ ያሳ ቃላ ዋርዲዋና ዋላኮኮ። ሄዋዲንካ፣ ቱሙዋ ቆንጨያን ሃሳዪዳ፣ ያሳ ሲንላን ሱሬ ዋዛናው ኑና ሺሽይቲ።

3 ኑኒ ኦዲያ ዋንጋላ ሚሺራቹ ጌሜዳዋ ገደፔካ፣ ጳዪያ አሳቱዋ ፃላላው ጌሜዳ። 4 ሃ ሳዓ ያሳይ አማኔና አሳቱዋ ቆፋ ጀሊሴዳ፤ ከሪሰቶሳ ቦንቹዋ፣ ዋንጋላ ሚሺራቹዋ ፖውዋ ባሬንቶ ፖሊያዋ፣ ያሳ ማላቲያዋ ኡንቲንቲ ቤዔና ማላ፣ ኡንቲንታ ዲጌዳ። 5 አዪሲ ጎፔ፣ ዩሱሲ ከሪሰቶሲ ጎዳ ጌዲያዋን አ ዲራው ኑኒ ኑ ሁጲያን ሂንቲንቶ ቆማ ጌዲያዋ ኦዳቶፔ አቲን፣ ኑባ ኦዶኮ። 6 አዪሲ ጎፔ፣ «ጲማፔ ፖው ፖዓና» ጌዳ ያሳይ ኑ ዋዛናን ባሬ ፖውዋ ፖሊሴዳ፤ ቃሲ ኢ ባሬ ቦንቾ ኤራቴላ ፖውዋ ከሪሰቶሳ ሲንላን ፖሊያዋ ኑሲ ኢማናው ፖሊሴዳ።

7 ሺን ኡባፔ አዲያ ዋልቃይ ያሳዋፔ አቲን፣ ኑሳ ጌዳናዋ ቤሳናው ኑሲ ሃ ሚንጃይ ኡርቃፔ ሜዴቴዳ ሚሻ ጌዳዳ ኑ ጌደን ዳዔ።

8 ኑኒ ኡባ ባጋናካ ኡንዔቴዳ፤ ሺን ሜዔሬቲቤይኮ፤ ቃሲ ኢቲ ኢቲ ዋዳ ሲዴቶ፤ ሺን ኑ ኡባናካ አገቤይኮ። 9 ኑኒ ዩዳርሴቴዳ፤ ሺን ያሳይ ኑና ኦሊቤና፤ ቃሲ ኑ ሞርኬቲ ኑና ኦሊ አጌዲና፤ ሺን ኑኒ ጳዪቤይኮ። 10 ቃሲ ዩሱሳ ዳው ኑ አሳቴላን ቤታና ማላ፣ ኑኒ ኡባ ዋዳ አ ሃዪቁዋ ኑ አሳቴላን ቶኪ ዩዩቶ። 11 አዪሲ ጎፔ፣ ሃዪቁያ ኑ አሳቴላ ቦላ ዩሱሳ ዳው ቤታና ማላ፣ ፓፃ ዳዔያ ኑኒ አ ዲራው፣ ኡባ ዋዳ ሃይቁቶ። 12 ሄዋ ዲራው፣ ሃይቁ ኑ ጌደን ኦሌ፤ ሺን ዳው ቃሲ ሂንቲ ጌደን ኦሌ።

13 ያሳ ማፃፋይ፣ «ታኒ አማኔዳ ዲራው ሃሳያዲ» ያጌ፤ ሄ አማኑዋ አያናይ ኑሲካ ዳዔያ ዲራው፣ ኑኒካ አማኔቶ፤ ሄዋ ዲራው፣ ሃሳዩቶ። 14 ያሳይ፣ ጎዳ ዩሱሳ ሃዪቁዋፔ ዳንሌዳዋ፣ ኑናካ ቃሲ ዩሱሳና ሃዪቁዋፔ ዳንሌዳ፣ ሂንቲናና ኢቲፔ ባሬ ሲንላ ሺሻናዋ ኤሬቶ። 15 ሃዋ ኡባይ ሂንቲ ዲራሳ፤ ያሳ አዶ ኮካቴላይ ዳር አሳ ጋኪያ ዋዳ፣ አሳይ ያሳ ቦንቾ ዳር ጋላታ ኢማና።

አማኑዋን ዳውሳ

16 ሄዋ ዲራው፣ ኑኒ ሳሌቶኮ፤ ኑሲ ሃራይ አቶ፣ ቦላ ባጋ አሳቴላይ ዋቁንቶካ፣ ጋርሳ ባጋ አሳቴላይ ጋላሳን ጋላሳን ኦራዔ። 17 አዪሲ ጎፔ፣ ሃዲው ዋዬቲያ ሃ ጉላ ዋዩ፣ ኡባፔ ሎይሌ ዳሪያ ሜዲና ቦንቹዋ ኑሲ ቤቲሳና። 18 ኑኒ ቤቴናዋ ያሌቶፔ አቲን፣ ቤቲያዋ ያሌኮ፤ አዪሲ ጎፔ፣ ቤቲያባይ ሃዲሳ፤ ሺን ቤቴናዋ ሜዲናው ዳዔያዋ።

5

1 እዪሲ ጎፔ፣ ኑኒ ዴቢያ ሃ ሳባ ዲንካኒ ኮሌቶፔ፣ ኑሲ አሳይ ከደቡና ጎሊ፣ ያሳይ ከጌዳዌ፣ ሳሉዋን ማዲናው ዴቢያዋ ኑኒ ኤሬቶ። 2 ኑኒ ሃ አሳሚያን ዴቢዳ ዳሮ ኦሌቶኔ ሳሉዋን ዴባና ኑ ጎሊያ ማያናው ሎይሊ አሞቲቶ። 3 ኑኒ ሄዋ ማዪዴ፣ ካሎቶኮ፤ 4 ኑኒ ሃ ሳባ ዲንካኒያን ዴቢዴ፣ ዳግቲዳ ኦሌቶ፤ እዪሲ ጎፔ፣ ሃዪቁያ አሳቲሳይ ዴቦዋን ማቲታና ማላ፣ ኑኒ ማያናው ኮዬቶፔ አቲን፣ ካሎታናው ኮዮኮ። 5 ኑና ሃዋ ጊጊሴዳዌ ያሳ፤ ቃሲ ኢ ባሬ ጌሻ አያና ዋሴ ኡዲዴ፣ አሜዳዌ አ።

6 ሄዋ ዲራው፣ ኑኒ ኡባ ዎዴ አማኔቲቶ፤ ቃሲ ኑኒ ኑ ጎሊን ሃ አሳቲሳን ዴቤዳ ከናን፣ ጎዳፔ ሻኬቲዳ ዴቢያዋካ ኤሬቶ። 7 እዪሲ ጎፔ፣ ኑኒ አማኑዋን ዴቤቶፔ አቲን፣ ቤቢያዋን ዴዎኮ። 8 ኑና አማንሌ፤ ቃሲ ሃ አሳቲሳን ኑ ጎሊያ አጊ ጎሌ ቢዴ ጎዳና አቲፔ ዴቢያዌ ኑና ናሼቼ። 9 ሄዋ ዲራው፣ ኑኒ ቃሲ አሹዋን ዴቢና ዴባና ጳዪና፣ ኑ ቆፋይ አ ናሼቻናሳ። 10 እዪሲ ጎፔ፣ ኑኒ ሁጲያን ሁጲያን ኦሌዳ ኦሱ ሎባ ጊዲና፣ ዎይ ኢታ ጊዲና፣ ኑሲ ቤሲያዋ አካናው፣ ኪሪሰቶሳ ፒርዳ ኦይዲያ ሲንላን ኡባይካ ሺቃናው ቤሴ።

አሳ ያሳና ዳቦዪያ ኦሱዋ

11 ሄዋ ዲራው፣ ኑኒ ያሳው ያዩሳይ አዬንቶ ኤሬዴ፣ ሄዋዳን ቃሲ አሳካ አማንሌቶ፤ ያሳይ ኑና ኡባና ኤሬ፤ ቃሲ ሂንቲካ ሂንቲ ዎዛና ቆፋን ኑና ኤሪታ ያጋዴ ቆፓይ። 12 ቤቲያባን ጨቁቲያዎንቲፔ አቲን፣ ዎዛናን ዴቢያዋን ጨቁቲና አሳቶ ሂንቲ ኦዲ ዛሪያባይ ዴባና ማላ፣ ሂንቲ ኑናን ጨቁታናዳን፣ ኑኒ ሂንቲንቶ ጋሱዋ ጊዳናው ኮዪያዎፔ አቲን፣ ኑና ጋላታናው ኮዮኮ። 13 ኑኒ ጎዪያዋ ጊዳፔ፣ ያሳ ቦንቹዋሳ፤ ዎይ ቃሲ ዎዛናና ዴቢያዋ ጊዳፔካ፣ ሂንቲና ጎባናሳ። 14 ኪሪሰቶሳ ሲቁ ኑና ጊዴ፤ እዪሲ ጎፔ፣ አቲ አሳይ አሳ ኡባው ሃዪቁዳዋ ኑኒ አክኪዶ፤ ሄዋ ጊዳፔ አሳይ ኡባይ አናና ሃዪቁዳ። 15 ፓፃ ዴቢያዎንቲ ባሬንቲ ዲራው ሃዪቁዳዎኔ ቃሲ ሃዪቁዎፔ ዴንዴዳዎ ዴባናፔ አቲን፣ ሲንላፔ ባሬንቲ ሁጴው ዴቤና ማላ፣ ኢ አሳ ኡባ ዲራው ሃዪቁዳ።

16 ሄዋ ዲራው፣ ኑኒ ሃዋፔ ሲንላው ኦናኔ አሳ ቆፋን ፒርደኮ፤ ሃራይ አቶ፣ ኑኒ ኪሪሰቶሳ ካሴ አሳ ቆፋን ፒርደዳዋ ጊዳፔካ፣ ሲሚ ሲንላፔ ሃዋዳን ፒርደኮ። 17 ሄዋ ዲራው፣ ኦኒኔ ኪሪሰቶሳና ዴዎፔ፣ ኦራላ ማዴታ፤ ጨማይ አዴዳ፤ ቤቢቲ፣ ኡባይካ ኦራዲዳ። 18 ኪሪሰቶሳ ባጋና ኑና ባሬና ሲጌሌዳ ያሳይ ኡባባካ ኦሌዳ፤ ቃሲ ኢ ኑሲ ሃራቲዋ ባሬና ሲጌሊያ ኦሱዋ አሜዳ።

19 ያሳይ ኪሪስቶስ ላጋና አሳ ኡባ ባሪናና ሲጌሌ፤ አሳ ናጋራካ አሳ ቦላ ፓይዳና፤ ቃሲ አሳ ባሪናና ሲጌሌያ ኪታካ ኑሲ ኢሜዳ።

20 ሲሚ ያሳይ ኑ ባጋና ሂንቴንቶ ሃሳዪያዋዳን፣ ኑኒካ ኪሪስቶሳ ዲራው ሃሳዪያ ኢ ኪቴዳዋንታ፤ ቃሲ ኑኒ ሂንቴና፣ «ያሳና ሲጌቲቴ» ገዴ፣ ኪሪስቶሳ ዲራው ዋሴቶ። 21 ኑኒ ያሳ ያሎቴላ ኪሪስቶሳ ላጋና አካና ማላ፣ ናጋራ ኤሬና ኪሪስቶሳ ኑ ዲራው፣ ያሳይ ናጋራንቻ ኦሌዳ።

6

1 ሂንቴ ኑናና ያሳ ኦሱዋ ኦሊዳ፣ አ አጵ ኬካቴላ አኪዳ ሃኔና ኦጊያን ጎዔቴና ማላ፣ ኑኒ ሂንቴና ዋሴቶ። 2 አዪሲ ጎፔ ያሳይ፣ «ታኒ ኢንጃ ዋዲያን ኑኒ ጊያዋ ሲሳዲ፤ ቃሲ አቶቴላ ጋላሲ ኔና ማዳዲ»

ያጌ። በዒቴ፣ ኢንጃ ዋዲ ሃዓ። በዒቴ፣ አቶቴላ ጋላሳይ ሃቻ።

3 ኑኒ ኑ ኦሱዋ ኦኒኔ ቦራናዋ ከዮኮ፤ ቃሲ ኦናኔ ጱባናዋ ከዮኮ። 4 ሺን ኡባባኒ ኑኒ ያሳ ኦሳንቻቱዋ ጊዲያዋ ኑ ሁጲያን በሴዶ፤ ዳሮ ጌንጫን፣ ዋዪያን፣ ሜቱዋን፣ ዋልቃማ ቱጋን፣ 5 ሊሱዋን ሸጩቲያዋን፣ ቃሹዋን፣ ሻቢሬቲሳን፣ ዳቡራን፣ ጌሚዒሹዋ ጳዪያዋን፣ ያማን፣ 6 ጌሻቴላን፣ ኤራቴላን፣ ዳንዳያን፣ ኬካቴላን፣ ጌሻ አያናን፣ ቱሙ ሰቁዋን፣ 7 ቱሙዋ ሃሳዪያዋን፣ ያሳ ዋልቃን ኑኒ ያሳ ኦሳንቻቱዋ ጊዲያዋ ኑ ሁጲያን በሴዶ፤ ቃሲ ያሎቴላ ቶራ ኡሼቻ ኩሺያን፣ ጎንዳሊያ ሃዲርሳ ኩሺያን ኦይቃና። 8 ኑኒ ቦንቹቴዶኔ ቶሼቴዶ፤ ቦሬቴዶኔ ጋላቴቴዶ። ቃሲ ቱሙዋ ሃሳዪቶ፤ ሺን አሳይ ኑና ዋርዲዋ ገዴ ቆፔ። 9 ኑኒ አሳይ ኤሬና አሳ ማላ፤ ሺን አሳይ ኡባይ ኑና ኤሬ፤ ኑኒ ሃይቄዳ አሳ ማላ፤ ሺን ሂንቴ በዒያዋዳንካ ዴዔቶ፤ ሙሬቴዳ አሳ ማላ፤ ሺን ሃዪቂቤይኮ። 10 ኑኒ ካዮቲያዋንታ ጊደፔካ፣ ኡባ ዋዴ ናሼቴቶ። ሂዬሳ ማላቴቶ፤ ሺን ዳር አሳ ዲሬዬቶ፤ ቃሲ አያይኔ ባይና አሳ ማላቴቶ፤ ሺን ኡባባይካ ኑዋ።

11 ቆሮንቶሳን ዴዒያ አሳው፣ ኑኒ ሂንቴንቶ ቆንጨያን ኦዴዶ፤ ኑ ኡሉዋካ ሂንቴና በሴዶ፤ 12 ኑኒ ሂንቴንቶ ጲቤቤይኮ፤ ጲቤዳዋንቱ ሂንቴና። ኑኒ ኑ ኡሉዋ ሂንቴንቶ ጌንሳቤይኮ፤ ሺን ሂንቴ ኡሉዋ ኑሲ ጌንሌዳዋንቱ ሂንቴና። 13 ሃዒ ታኒ ታ

ናናው ሃሳዪያዎዳን፤ ሂንቲንቶ ሃሳያይ፤ ኩኒ ሂንቲና ኑ ኡሉዎ ቤሴዳዎዳን፤ ሂንቲካ ኑና ሂንቲ ኡሉዎ ኣሲ ዶዪዳ ቤሲቲ።

አማኔና ኣሳና ዙፔቴና ማላ ሴራ

14 አማኔና ኣሳቱዋና ዙፔቴዳ፡ ጊጌና ኡሉዎ ኦላፒቲ። ኣዪሲ ጎፔ፡ ዪሎቴላዉኔ ናጋራው ኣያን ጋኬላይ ዳዒ? ፖጾኔ ቋማው ኣያን ኢቲፔቴላይ ዳዒ? 15 ኪሪሰቶሳኔ ዳቢሎሳ * ኢቲፔ ጋሊያባይ ኣዬ? ቃሲ አማኒያዌኔ አማኔናዌ ኮዲያዌ ኣዬ ዳዒ? 16 ያሳ ጌሻ ጎሌዉኔ ኤቃው ኣይቤ ዙፔቴላይ ዳዒ? ኣዪሲ ጎፔ ያሳይ፡

«ታኒ ኡንቲንቲ ጊዶን ዳዒናኒ
ኡንቲንቲ ጊዶን ሃሜታና።
ታኒ ኡንቲንቲ ያሳ ጊዳና፤
ቃሲ ኡንቲንቲካ ታ ኣሳቱዋ ጊዳና»
ጌዳዎዳን፤ ኩኒ ዳዑዋ ያሳ ጌሻ ጎሊያ።

17 ሄዎዳንካ፡ ቃሲ ጎዳይ፡
«ኡንቲንቲ ጊዶፔ ኬሲቲ፤
ኡንቲንቲፔ ሻኬቲቲ።
ቱናባካ ቦቾፒቲ።
ታኒ ሂንቲና ሞካ ኣካና።

18 ቃሲ ታኒ ሂንቲንቶ ኣዉዎ ጊዳና፤
ሂንቲካ ታው ኣቱማ ናናቱዋኔ
ማጫ ናናቱዋ ጊዳኒታ።
ታኒ ኡባፔ ዎልቃማ ጎዳይ
ሃዎ ኦዳይ»
ያጌዳ።

7

1 ሄዎ ዲራው፡ ታ ሲቃቶ፡ ያሳይ ሃ ኡባባ ኑሲ ኢማና ጌዳዎፔ ሂኒ ባጋን፡ ኑ ኣሹዋኔ ኑ ሼምፑዎ ቱኒሲያ ኡባባፔ ኑ ሁጲያ ኣኔ ጌሹይቲ፤ ቃሲ ያሳው ያዪያዋን ኡባና ጌዪዳ ዳዒቶ።

ጳውሎሳ ናሼቻ

* 6:15 ዳቢሎሳ፡ ግሪኪያ ማፃፋይ «ቤሊያር» ጌ። ሄዎ ጉሳይ ኢብራዪስያን «ቤሊያል» ጊያዎ። ላዑዎ ቢሊላይካ «ማካላንቻ» ዎይ «ማዳናዎ» ጉሳ። 6:16 ዎግ 26:12፤ ሂኪ 37:27፤ 1ቆር 3:16፤ 6:19 6:17 ኢሳ 52:11 6:18 2ሳዎ 7:14፤ 1ኦድ 17:13፤ ኢሳ 43:6፤ ኤርሞ 31:9

2 ሂንቴ ኡሉዋ ኑና ቤሲቴ፤ ኑኒ ኦናኔ ናቂቤይኮ፤ ኦናኔ ቆሂቤዪኮ፤ ቃሲ ኦናኔ ጨሚቤዪኮ። 3 ታኒ ሄዋ ሂንቴ ቦላ ፐርዳናው ጊኬ፤ አዪሲ ጎፔ፤ ታኒ ካሴ ሂንቴንቶ ጌዳዋዳንካ፤ ሂንቴንቴ ኑ ዋዛናን ዴቢታ፤ ኑኒ ዴቢናካ ሃይቂናካ፤ ኢቲፔ ዴቢቶ። 4 ታኒ ሃሳዪያዋ ሂንቴፔ ቆሲኬ፤ ታኒ ሂንቴናን ጨቄታይ፤ ኑ ዋዪያ ኡባን ታኒ ሎይላ ሚናይኔ ናሼታይ።

5 አዪሲ ጎፔ፤ ሃራይ አቶ ኑኒ ማቂደኒያ ቤዳ ዎዴ፤ ኡባ ባጋንካ ዋዬቴዶፔ አቲን፤ ሼምፐቤይኮ፤ ሃራ አሳና ዋላሳይ ዴቢ፤ ኑ ዋዛናንካ ያሻይ ዴቢ። 6 ሺን ካዉሼዳዋንታ ሜንሌሊያ ያሳይ፤ ቲቶ ዩሳን ኑና ሜንሌሊዳ። 7 ኑና ካሴዋፔ አሊ ናሼቲያዌ፤ ቲቶ ዩሳ ፃላላ ጊዴና፤ ሺን ሂንቴ አ ሜንሌሊዳዌ፤ ሂንቴ ታና ቤዳናው አዎቴዳዎኔ ታው ቃሬቴዳዎ ቃሲ ሂንቴ ታና ማዳናው ጊጌቴዳዎ ኢ ኑሲ አዴዳ።

8 አዪሲ ጎፔ፤ ታ ዳቢዳቢ ሂንቴና ካዮዬዳዎ ጊዶፔካ፤ አዪሲ ፃፋዲታሻ ጊኬ፤ አዪሲ ፃፋዲታሻ ጎፔካ፤ ታ ዳቢዳቢ ሂንቴና ጉላ ዎዲያ ካዮዬዳዎ ቤዳይ። 9 ሃቢ ታና ናሼቲያዌ ታኒ ሂንቴና ካዮዬዳ ዲራሳ ጊዴና፤ ሺን ሂንቴ ካዩ ሂንቴና ናጋራፔ ዛሬዳዎ ዲራሳ፤ አዪሲ ጎፔ፤ ኑኒ ሂንቴና አያኒኔ ቆሃናዳን፤ ያሳይ ባሬ ኮዬዳዎዳን፤ ሂንቴና ካዮዬዳ። 10 አዪሲ ጎፔ፤ ያሳይ ኮዪያ ካዩ ናጋራፔ ዛሬዳ አቶቴላኮ አሄ፤ ሄዌካ ታኒ ባዪዛዲ ጌና ዋዛና፤ ሺን አላሚያ ካዩ ሃዪቁዋ አሄ። 11 ያሳይ ሄ ሂንቴ ካዩዋን አይ አዪፊያ አሚዳንቶ ቤቢቴ። ሂንቴና አይ ኬና ዴንሌሌዳንቶኔ ሂንቴ ጌሻቴላ ቱሚያናው ሂንቴና አይ ኬና ዛረዋ አሚሴዳንቶ፤ አይ ኬና ሃንቁሌዳንቶኔ አይ ኬና ታው ያሽሴዳንቶ፤ አይ ኬና ሴሊሴዳንቶ፤ አያ ኬና ታና ላዎቴሴዳንቶኔ ናቆ ኦሱዋ ኦላዋንታ ሙራናው አይ ኬና ጊሊሴዳንቶ ፓጪ ቤቢቴ፤ ሂንቴ ሂንቴ ሁዳያን ጌሻ ጊዴዳዎ ኡባባንካ ኤሪሴዲታ።

12 ሄዋ ዲራው፤ ታኒ ሄ ዳቢዳቢያ ሂንቴንቶ ፃፊዳዎ ጊዶፔካ፤ ናቁዳ ኡራ ዎይ ናቁቴዳ ኡራ ዲራሳ ጊዴና፤ ሺን ሂንቴ ኑሲ ዎዪሳ ቆፐንቶኔ ያሳ ሲንሳን ሂንቴንቶ ቆንጨሳናው ታኒ ፃፋዲ። 13 ኑኒ ሚኔዳዌ ሄዎ ዲራሳ፤ ሄ ኑ ሚኖታ ቦላ፤ ቲቶ ናሼቴዳዎሲ ኑኒ ኡባፔ ዳሪያ ናሼቻ ናሼቴዶ። አዪሲ ጎፔ፤ ሂንቴ ኡባይ አ ሂርጋፔ ሼምፐሴዲታ። 14 ታኒ ሂንቴዎ ሳባዴ አው ኦዲና፤ ሂንቴ ታና ዩላዪቤዪኮከታ፤ ሺን ኑኒ ሂንቴንቶ ኡባ ዎዴ ቱሙዋ ሃሳዬይ፤ ሄዎዳንካ፤ ኑኒ ቲቶ ሲንሳን ሂንቴዎ ሳቤዳዌ ቱሚ ጊዴዳ። 15 ሄዎ ዲራው፤ ሂንቴ ኡባይ አው ያዪዴ ኮኮሪዴ፤ አ ዎቲ ሞኬዲቴንቶኔ

ቃሲ አው አይ ከና አዛዜቲዲቲንቶ ኢ ሃሳዪያ ዎዴ፡ ሂንቴና ሎይሊ ሲቁ። 16 ታኒ ኡባባኒ ሂንቴና አማኒያ ዲራው ናሼታይ።

8

ፆሳ አሳቱዎ ከካቴላ ኢሞታ

1 ኑዎዳን ፆሳ አሳቶ፡ ፆሳ አጾ ከካቴላይ ማቂደኒያ አማኒያዎንቴ ጊደን አሌዳዎ ሂንቴና ኤሪሳናው ኮዬቶ።

2 አንቱንቴ አጭዳ ዋዪያን ዎልቃማ ፓጩያ ፓጩቴዲና፤ ሺን አንቱንቴ ሂዬሳ ጊደፔካ፡ ባሬንቴ አሚያዎን ዳር ከኪናኔ ቃሲ ዎልቃማ ናሼቻ ናሼቲና። 3 አዪሲ ጎፔ፡ አንቱንቴ ባሬንቴ ዎልቃ

ከና ቃሲ ሃራይ አቶ ባሬንቴ ዎልቃፔካ ዳሪያዎ ደሲዴ አሚዳዎ ታኒ ማርካ። 4 አንቱንቴ ፆሳ አሳቱዎ ማዲያ ሎፖ ኦሱዎ ኑናና አላናው ኑና ዳር ዎሴዲና። 5 አንቱንቴ ኑኒ ቆፔዳዎፔ አሊዴ አሌዲና፤ ካሴቲዴ አንቱንቴ ባሬንቴ ሁጺያ ጎዳው አሚዳዎፔ

ፕዪያን፡ ፆሳ ሺኒያዳን፡ ኑሲካ ባሬንቴ ሁጺያ አሚዲና።

6 ሄዎ ዲራው፡ ኑኒ ሃ ሎፖ ኦሱዎ ደሚዳ ቲቶ ፕጂ አላናዲኔ ሂንቴና ማዲዳ፡ ሄ ኦሱዎ ፖሊሳናዳን አ ዎሴዳ። 7 ሺን ሂንቴ ኡባባኒ፡ አማኑዎን፡ ሃሳያን፡ ኤራቴላን፡ ዎልቃማ ሎፖ አሙዎን፡ ኑና ሲቁያዎንካ ዴሬቲዳዎዳን፡ ሃ ሎፖ ኦሱዎንካ ሂንቴንቴ ከካ

ጊዳናዎ ኑኒ ኮዬቶ።

8 ታኒ ሄዎ አዛዛናው ጊከ፤ ሺን ሃራቱዎ ዎልቃማ ሎፖ አሙዎ ባጋና ሂንቴ ሲቁ አይ ከና ቱሜንቶ ኤሪናው ጋይ። 9 አዪሲ ጎፔ፡ ሂንቴ ኑ ጎዳ ዬሱሲ ኪሪሰቶሳ አጾ ከካቴላ ኤሪታ፤ ኪሪሰቶሲ ዲሬ ጊዲ ዴዲዴ፡ ሂንቴ አ ሂዬሳቴላን ዴሬታናዳን፡ ሂንቴ ዲራው ሂዬሴዳ።

10 ታኒ ሃ ዬወዎ ሂንቴና ዙሪያዌ ሃዎ፤ ዘላይሊ ሂንቴ ደሚዳዎ ሃዲ ወርሲያዌ ሂንቴንቶ ሎዳ፤ ሂንቴ አሶ ፃላላው ጊዳናን፡ አላና ቆፋወካ ካሴቲዳዎንታ። 11 ሂንቴ አላናው ሎይሊ አሞቴዳዌ አሊዴ ፖሌዳዎና ጊጋ ጊዳና ማላ፡ ሂንቴንቶ ዳንዳዬቴዳዎዳንካ ኦሱዎ ፖሊቲ። 12 አዪሲ ጎፔ፡ ኢቲ ኡራይ አማናው ሎይሊ ኮዮፔ፡ ኢ ባሬው ዴዲዳ ከና አማናፔ አቲን፡ አው ባይናዎ አፔ አከና።

13 አዪሲ ጎፔ፡ ታኒ ሃራንቴ ዎዪያፔ ሺምፒና፡ ሂንቴ ዎዬቲቴ ጊከ፤ ሂንቴ ኡባይካ ቃራ ዴዳናዳናፔ አቲን። 14 አንቱንቴ ፓላሃይ ሂንቴ ፓጫ ኩንላና ማላ፡ ሂንቴንቶ ሃ ዎዲያን ዴዲያ ፓላሃይ አንቱንቴ ፓጫ ኩንላና ኮሼ፤ ላዑካ ሄዎን ቃራን ጎዴቲና። 15 ፆሳ ማፃፃን፡ «ዳሪሲዴ ሺሼዳዎ ፓላሂሴና፤ ቃሲ ጉላ ሺሼዳዎካ ፓጩሴና» ጌቲቲዴ ፃፊቴዳ።

ቲታኔ ኣ ላጌላ

16 ሺን ኮኒ ሂንቴንቶ ቆፒያዎ ማለ፡ ዎልቃማ ቆፋ ቲታ ቆፊሴዳ ያሳ ጋላታይ ጋኮ። 17 ቲቶ ሂንቴኮ ባናው ባሬ ቆፋ ቃቹዳዌ፡ ባሬ ሁጲያን ሂንቴና ማዳናው ዳሮ ኣሞቲዳ ገሻፔ ኣቲን፡ ኑ ዞሪያ ፃላላ ኣኬዳዎና ገዴና። 18 ሚሺራቹዎ ቃላ ኦዲያ ባሬ ኦሱዋን ኣማኔቲያ ኣማኒያዎንቱ ሲንሳ ኡባን ዳሮ ቦንቹቲዳ ኢሻ ኮኒ ኣናና ኢቲፔ ኪቲቶ። 19 ሄዎ ቦላን ቃሲ፡ ሃ ኮኒ ኦሲያ ሎዖ ኦሱዋ ኢ ኑናና ኢቲፔ ኦላናውኔ ጎዳ ቦንቹ ኮኒ ሃራቱዎ ማዳናሲ ሎይሌ ኣሞቲያዎ ቤሳናው ኣማኒያ ኣሳቱ ኣ ዶሪዴ ሱንሌዲና።

20 ኮኒ ኦሲያ ሃ ኪካ ኢሞታ ዲራው፡ ኦኒኔ ኑናና ዚገሬና ማላ ናጌቲቶ። 21 ኣዪሲ ጎፔ፡ ኮኒ ጎዳ ሲንሳን ሎዖባ ኦላናዎ ፃላላ ገዴና፤ ሺን ኣሳ ሲንሳንካ ሎዖባ ኦላናው ቆፔቶ።

22 ኮኒ ዳሮ ጌዴ ፓጩ ቤዔዳ ኑ ኢሻ፡ ኡባ ዎዴ ሂንቴና ማዳናው ዳሮ ኣሞቲያዎ፡ ሃ ኣሳቱዎና ሂንቴኮ ኪቲቶ፤ ቃሲ ሃዒ ኢ ሂንቴና ዳሮ ኣማኒያ ዲራው፡ ሂንቴና ማዳናው ካሴዎፔ ኣሊዴ ሎይሌ ኣሞቲ። 23 ቲቶዎ ገደፔ፡ ኢ ሂንቴና ማዳናው ታናና ኢቲፔ ኦሲያ ታ ላጌያ፤ ዮኮ ኢሻቱዎባ ገደፔ፡ ኡንቱንቱ ኣማኒያ ኣሳቱ ኪቲዳዎንታኔ ኡንቱንቱ ዴዑ ኪሪሰቶሳ ቦንቹሲያዎ። 24 ሲሚ ኣማኒያዎንቱ ኡባቱ ሂንቴ ሲቁ ቱማ ገዲያዎ ኤራና ማላ፡ ቃሲ ኮኒ ሂንቴዎ ሳቢያዌ ሊኬ ገዲያዎ ኤራና ማላ፡ ሂንቴ ሲቁዎ ኡንቱንታ ቤሲቲ።

9

ፓጫይ ዴዒያዎንታ ማዲሳ

1 ዪሁዳን ዴዒያ ገሻ ኣሳቱዎ ማዳናው ዬዲያባው ታኒ ሂንቴንቶ ፃፋናው ኮሺና። 2 ሂንቴ ማዳናው ሎይሌ ኣሞቲያዎ ታኒ ኤሪያ ዲራው፡ ማቂዶኒያን ዴዒያ ኣሳው ሂንቴዎ ሳባዲ። ታኒ ኡንቱንቶ፡ «ኣካዪያን ዴዒያ ኢሻቱ ዘላይሊፔ ደሚዴ፡ ማዳናው ገጌቲዲና» ያጋዴ ኦዳዲ፤ ቃሲ ሂንቴ ዎልቃማ ኣሙካ ኡንቱንቱፔ ዳሪያ ባጋ ዴንሌዴ። 3 ሺን ታኒ ኡንቱንቶ ጌዳዎዳንካ ኮኒ ሃ ዬወዎ ሂንቴናን ጨቄቲያዌ ማላ ገዴና ማላ፡ ሂንቴ ገጌቲዳዎንታ ገዳናዳን፡ ሃ ኢሻቱዎ ሂንቴኮ ኪታይ። 4 ማቂዶኒያ ኣሳቱ ታናና ዪዴ፡ ሂንቴ ገጌቲናን ዴዒሺን፡ ሂንቴና ዴሞፔ፡ ኑ ፃላላ ገዴናዳን፡ ሂንቴ ኑፔ ኣቆዎ ዬላታኒታ፤ ሺን ኮኒ ሂንቴና ሎይሌ ኣማኒዴ ጨቄቲዳዎሳ። 5 ሄዎ ዲራው፡ ታኒ ሃ ኢሻቱ ታፔ

ሲንላቲ ሂንቲኮ ቢዳ፣ ሂንቲ ኢማና ጌዳ ኢሞታ ካሴቲዳ ገሊሳና ማላ፣ ኡንቲንታ ዋሳናው ኮሺያዋ አኬካዲ። ሄዋፔ ጉዪያን፣ ሄ ኢሞታይ ታኒ ጋኪያ ዋዴ ገሊ ኡታናዋ፤ ሄዌ ቃሲ ዋልቃን ሂንቲ ኢሚያዋ ገዴናን፣ ደሲዳ ኢሚያዋ ኤሪሴ።

6 ሃዋ አኬኪቲ፤ ጉላ ዜሬላ ዜሪያ ኡራይ ጉላ ካላ ጫካና፤ ዳሮ ዜሬላ ዜሪያ ኡራይ ቃሲ ዳሮ ካላ ጫካና። 7 ያሳይ ናሼቻን ኢሚያ ኡራ ሲቋያ ዲራው፣ ቃሬቲዳ ዋይ ደሴናን ኢሚያዋ ገዴናን፣ ኢሚያ ኡራይ ሁጲያን ሁጲያን ባሬ ዋዛናን ቆፔዳዋ ኢሞ። 8 ያሳይ ሂንቲንቶ ገዲያዌ ኡባ ዋዴ ዴባናዲኔ ቃሲ ሃራቶካ ሂንቲ ኢማናው ገዲያዌ ዴባናዲን ሂንቲና ኮሺያ ኡባባ ሂንቲንቶ ኢማናው ዳንዳዬ። 9 ያሳ ማፃፋይ፡

«ኢ ሂዬሳ አሳው ዳሪሲዳ ኢሚ፤ ቃሲ ኢ ሂሎቴላይ ማዲናው ዴባናዋ»

ያጌ። 10 ያሳይ፣ ዜሪያዋ ዜሬላኔ ማናው ቁማ ኢሚያዌ፣ ሂንቲና ኮሺያ ዜሬላ ኡባ ሂንቲንቶ ኢማና፤ ቃሲ ሂንቲ ሂሎቴላፔ ዳሮ አይፊያ አዩፊሳናው ሄ ዜሬላ ዲቻናዋ።

11 ዳሮ አሳይ ሂንቲ ኢሚያ ኢሞታ ኑፔ አኪዳ፣ ያሳ ጋላታናዲን፣ ሂንቲ ኡባ ዋዴ ዳሪሲዳ ኢሚያዋንታ ገዴና ማላ፣ ያሳይ ሂንቲና ኡባ ባጋና ዲሬያና። 12 አዩሲ ጎፔ፣ ሃ ሂንቲ ኦሊያ ኦሱ ያሳ ናናው ኮሺያዋ ኩንሊ ኢሚያዋ ፃላላ ገዴና፤ ሺን ያሳው ዳሮ ጋላታ ኢሚያዋን ኩሚዳ ጎፎ። 13 ሃ ሂንቲ ኦሱ ሂንቲ አማኑዋ ኤሪሲያ ዲራው፣ ዳሮ አሳይ ኪሪሰቶሳ ዋንጋላ ሂንቲ አማኒዳ ማርካቲያዎኔ ሂንቲ ማዲዋ ኡንቲንቲናኔ ሃራ ኡባቲዋና ሻኪዳ፣ ዳሪሲ ኢሚያዋ ያሳ ቦንቻና። 14 ኡንቲንቲ ሂንቲንቶ ያሳ ዋሲዳ፣ ሂንቲናን ዴባያ ያሳ አጾ ኬካቴላይ ዛዋይ ባዩናዋ ዲራው፣ ሂንቲና ላሞቴቶ። 15 ዛዋይ ባዩና ያሳ አጾ ኬካቴላ ዲራው፣ ያሳ ጋላታይ ጋኮ።

10

ጳውሎሲ ሞቲያዋንቲሲ ዛሬዳ ዛሩዋ

1 ታኒ ጳውሎሲ፣ ሂንቲ፣ «ኢ ኑናና ዴባያ ዋዴ አሺኬ» ገያዌ፣ ቃሲ፣ «ኑፔ ሃኪ ዴባያ ዋዴ ኑ ቦላ ፃሌ» ገያዌ፣ ሎባኔ አሺኬ ገዴዳ ኪሪሰቶሳ ባጋና ሂንቲና ዋሳይ። 2 ኑና ሃ ሳባ ደያዲን ዴባኖ ገዴ ቆፒያ ኢቲ ኢቲ አሳቲዋ ቦላ ታኒ ፃላናዋ ኤራይ፤ ሺን ታኒ ሂንቲኮ ቢያ ዋዴ ሂንቲ ታና ፃሊሴና ማላ፣ ሂንቲና ዋሳይ። 3 አዩሲ ጎፔ፣ ኑኒ ሃ ሳባን ዴያፔካ፣ ሃ ሳባ አሳዲን

9:9 ማዝ 112:9 9:10 ኢሳ 55:10

ኦሌቶስ። 4-5 አዲሲ ጎፔ፣ ኮኒ ኦሌቲያ ቶራይ ሃ ሳዓዋ ጊዳና። ሺን ጌሱዋ ላላናው ዋልቃና ዳዒያ ያሳ ቶራ። ኮኒ አሳ ቆፋ ዳዲሴቶ፤ ቃሲ ያሳ ኤራቴላ ቦላ ዳንዲዳ ዱቢያ ኦቶሮ ቆፋ ኡባ ላሌቶ። ሄ ቆፋ ኡባይ ኪሪሰቶሳው አዛዜታና ማላ ኦሞዴቶ። 6 ሂንቲ አዛዜቲያዋ ፖሌዳዋፔ ጉዲያን፣ አዛዜቲናን ኢዲያዋ ኡባ ኮኒ ሙራናው ጊጌታና።

7 ሂንቲ ሲንሳን ዳዒያዋ ያሊቲ፤ ኦኒኔ ባሬና ኪሪሰቶሳዋ ጊዳ ቆፖፔ፣ ሄዋ ጉጂ ቆፖ፤ ኪሪሰቶሳዋ ኢ ጊዳዳዋዳን፣ ኮኒካ ቃሲ አዋ። 8 አዲሲ ጎፔ፣ ጎዳይ ኮሲ አሜዳ ኦ አዋቴላኒ ታኒ ሎይላ ኦቶራቲያዋ ጊደፔካ፣ ሄዋን ዬላቲኬ፤ ሄ ኮሲ አሜዳ አዋቴላይ ሂንቲና ከፃናሳፔ አቲን፣ ኮላናሳ ጊዳና። 9 ታኒ ታ ዳቢዳቢያን ሂንቲና ያሺሳናው ፃፎ አሳ ማላታዴ ቤታናው ኮዩኬ። 10 አዲሲ ጎፔ፣ አቲ አቲ አሳይ፣ «ጳውሎሳ ዳቢዳቢ ዳዶን ዋልቃማ፤ ሺን ያሊያ ዋዴ ኢ ዳቡራንቻ፤ አ ሃሳያይካ ፓጮና» ያጌ። 11 ሄዋ ማላ አሳይ ኮኒ ሃኩዋን ዳዒዳ ፃፊያ ዳቢዳቢያንኒኔ ያኒ ሂንቲናና ዳዒዳ ኦሊያ ኦሱዋን ዳማቴሊ ባዩናዋ አኩካና ኮሼ።

12 ኮኒ ባሬና ናሺያ አቲ አቲ አሳቱዋና ኦና ፓይዳናው ዋይ ሊኪሳናው ኮዮኮ፤ ሺን ኡንቲንቲ ባሬና አቲ አቱዋና ሊኪሲዲኔ ቃሲ ባሬና አቲ አቱዋና ቃራዩዳ፣ ኡባና ኤዬዲና።

13 ሺን ኮኒ ያሳይ ኮሲ ኤሴዳ ዛዋ ጊደን ጨቁቲያዋፔ አቲን፣ ሄ ዛዋፔ ፒኒዴ ጨቁቶኮ፤ ሄ ዛዋይ ሂንቲኮካ ጋኬ። 14 ኮኒ ሂንቲኮ ጋኪቤናዋ ማላቲዳ፣ ዛዋ ፒኖኮ፤ አዲሲ ጎፔ፣ ኮኒ ኪሪሰቶሳ ሚሺራቹዋ ቃላ ኦዲዳ፣ ሂንቲኮ ካሴ ጋኬደ። 15 ኮኒ ያሳይ ኤሴዳ ዛዋ ፒኒዳ፣ ሃራ አሳይ ኦሊዳ ኦሱዋን ጨቁቶኮ፤ ሺን ሂንቲ አማኦ ዲጨ ዲጨ ቢያ ዋዴ፣ ኮኒ ሂንቲ ጊደን ኦሊያ ኦሱዋ ዛዋይ ካሴዋፔ ሎይሊ አኪ አኪ ባናዋ ጊዳ ቆፖቶ። 16 ኮኒ ሚሺራቹዋ ቃላ ሂንቲ ዳዒያሳፔ ሂኒ ባጋን ኦዳና፤ ቃሲ ሃራ ዛዋን ኦሴቲዲጌዳ ኦሱዋንካ ጨቁቶኮ። 17 ሺን ያሳ ማፃፋይ፣ «ጨቁቲያ ኡራይ ኦኒኔ

ጎዳ ሎፖቴላባን ጨቁቶ» ያጌ። 18 አዲሲ ጎፔ፣ ጎዳይ ናሺያ ኡራፔ አቲን፣ ባሬና ናሺያ ኡራይ ጋላቴቲና።

11

ጳውሎሳኔ ባሬና ዬሱሲ ኪቲዳ ጊያ ዋርዳንቻቱዋ

1 ሂንቴ ታ ኤያቴላ ጉላ ዳንዳዪንቶ ሎዓ። ሃያና ዳንዳዪቴ።
2 ያሳይ ቃናቲያዎዳን፣ ታኒካ ሂንቴው ቃናታይ፤ አዪሲ ጎቴ፣ ታኒ ሂንቴና ኢቲ አቱማዎ፣ ኪሪሰቶሳው ኢማና ጋዴ፣ አቱማዎ ኤሬና ጌሻ ዎድራቲዳን ገጊሳ ዎላዲ።

3 ሺን ሾሻይ ባሬ ማካላን ሄዎኖ ባሌሌዳዎዳን፣ ኪሪሰቶሳው ሂንቴ ኢሜዳ ሂንቴ ሱሬ ቆፋይ ባዪቤናዌ ዎራ ባንዴሻ ጋዴ ሂርጋይ። 4 አዪሲ ጎቴ፣ ኢቲ ኡራይ ዪዴ፣ ኮኒ ሂንቴንቶ ኦዴዳ ዩሱሳ፤ ሃራ ዩሱሳ ሂንቴንቶ ኦዴ፤ ዎይ ሂንቴ አኬዳ አያና፤ ምንጋላ፤ ዲማ አያና፤ ምንጋላ ሂንቴ አኮ፤ ሂንቴ ኤኖ ጊዴ አኬዲታ ጉሳ።

5 ዩሱሲ ከቲዳ ሃ ዎናቱዎ፤ ታኒ አያንካ ላፊያዎ ታው ማላቴና። 6 ታኒ ሃሳዪያ ሃሳያን ታማራቤና አሳ ጊደ፤ ኤራቴላን ጊዲኬ፤ ሺን ኮኒ ሂንቴንቶ ሃ ዩወዎ አሳ ኡባ ጊደን ኡባ ባጋና ቆንጨሴድ።

7 ዎይ ታኒ ሂንቴና ሚሻ ኦቼናን፣ ያሳ ሚሺራቹዎ ቃላ ሂንቴንቶ ጮ ኦዴዳዌኔ ሂንቴና ቶቁ አላናው ታ ሁጲያ ቶቹዳዌ ታው ናጋራ ጊዳንዴሻ? 8 ታኒ ሂንቴንቶ ኦላናው ሃራ አማኒያ አሳ፤ ሚሻ አኬዳዎ፣ ሄዎንታ ቦንቃዲ። 9 ቃሲ ታኒ ሂንቴና ዴሲሺን፣ ታና ማቲና፣ ሂንቴ፤ ኢቲ ኡራካ ዎዪሳቤይኬ። አዪሲ ጎቴ፣ ማቂዲያ፤ ዩዳ አሻቱ ታና ኮሼዳ ኡባባ ታው ኢሜዲኖ፤ ታኒ ሂንቴና ዎዪሴና ማላ፣ ካሴ ቶኮ ጊዳቤናዎዳንካ ሲንላወካ ቶኮ ጊዲኬ። 10 ኪሪሰቶሳ ቱማቴላይ ታናን ዴሲሺን፣ ሃ ታ ጨቁ አካዪያ ጋዲያን ሃቃኒኔ አቴና። 11 ታኒ ሃዎ አዪሲ ጋይታ? ሂንቴና ሰቁና ዲራሴ? ታኒ ሂንቴና ሰቁያዎ ያሳይ ኤሬ።

12 ሺን ሄ ባሬንቱ ጨቁቲያዎን ኮኒ ኦሊያዎዳን አላናው ጋሶቲያዎንቱ ጋሱዎ ዲጋናው፣ ሃሲ ታኒ ኦሊያ ኦሱዎ ጉጃዴ አላና። 13 አዪሲ ጎቴ፣ ኡንቱንቱ ዩሱሲ ከቲቤና ዎርዶ አሳቱዎ፤ ሄዎንቱ ማላ አሳቱ ኪሪሰቶሲ ከቲዳዎንታ ማላታናው ባሬንቱ ማላ ላሜሬሊያ ከቲቲቤና ዎርዳንቻቱዎኔ ላባንቻ ኦሳንቻቱዎ። 14 ሄዎ ማላሊሲያዎ ጊዴና፤ አዪሲ ጎቴ፣ ሴፃናይ ባሬ ሁጲው ፖዑዎ ከታንቻ ማላታናው ባሬ ማላ ላሜ። 15 ሄዎ ዲራው፣ ሴፃና ኦሳንቻቱ ዲሎቴላ ኦሳንቻቱዎ ማላታናው ባሬንቱ ማላ ላሞ፤ ሄዎ ዎልቃማባ ጊዴና፤ ኡንቱንቱ ወርሴላን ባሬንቱ ኦሱዎ ማላ አካና።

ጳውሎሳ ጋኬዳ ማቱዎ

16 ታኒ ላዕሌ-ሞካ ጋይ፤ ታና ኦኒኔ ኤያ ጊዳ ቆፖፖ፤ ሺን ሂንቴ ታና፡ ኢ ኤያ ጎፔካ፡ ታኒ ጉላ ጩቄታናዳን፡ ታና ኤያ ጊቴ። 17 ታኒ ሃዋዳን ፃላዳ ጩቄታዳ ሃሳዪያዌ፡ ኤያቴላ ሃሳያፔ ኦቴን፡ ታና ጎዳይ አዛዘና ጊዳና። 18 ዳር አሳይ ሃ ሳዓባን ጩቄቲያ ዲራው፡ ታኒካ ጩቄታና። 19 ሂንቴ አዴዳ ኤራንቻ ጊዲያ ዲራው፡ ኤያ አሳዋ ናሽቻን ዳንዳዪታ። 20 አዪሲ ጎፔ፡ ኦኒኔ ሂንቴና አዪሌዮፔ፡ ዋይ ሂንቴዋ ሞፔ፡ ዋይ ሂንቴዋ ቦንቆፔ፡ ሂንቴ ቦላ ኦቶራቶፔ፡ ዋይ ሂንቴ ሻዪያ ባቆፔ፡ ዳንዳዪታ። 21 ኦኒ ሄዋ ኦላናው ዳር ዳቡራንቻ ጊዳዳዋ ታኒ ዩላታዳ ኦዳይ።

ሺን ኦኒኔ ኢቲባን ፃሊዳ ጩቄቶፔ፡ ታኒካ ጩቄታናው ፃላይ፤ ታኒ ኤያ አሳዳን ሃሳያይ። 22 ኡንቱንቱ ኢብራዌ? ታኒካ ኢብራዌ። ኡንቱንቱ ኢሰራዔሊያ አሴ? ታኒካ ኢሰራዔሊያ አሳ። ኡንቱንቱ አብራሃሜ ዛሬ? ታኒካ ቃሲ አብራሃማ ዛሬ። 23 ኡንቱንቱ ኪሪሰቶሳ ቆማቴ? ታኒካ ኡንቱንቱፔ አዲያ ቆማ፤ ታኒ ጎዪያ አሳዳን ሃሳያይ፤ ታኒ ዳር ኦላ ዳቡራዲ፤ ዳር ዋዲያ ቃሺታዲኔ ሊሱዋን ሾጩታዲ፤ ቃሲ ዳር ዋዲያ ሃዪቃዳ አታዲ። 24 አዪሁዳቱ ታና ኢቼሹ ጌዳ፡ ሃታማኔ ኡዲፑኑዋ ሊሱዋን ሾጩዲኖ። 25 ሮሜ አሳይ ታና ሄዙ ጌዳ ፃሞዓን ሾጩዲ፤ ኢቲ ጋላሲ ሹቻን ጫዲ ጫዲዳ አጌዳ፤ ማርካቢ ሄዙ ጌዳ ማዒና፡ አባ ጊዳን ኢቲ ቃማኔ ኢቲ ጋላሳ አቃዳ ፔሻዲ። 26 ታኒ ዳር ኦጊያ ሃማታዲ፤ ታና ኩንላ ሃላዪኔ ቦንቃንቻቱ ቦንቁ ዲጊዳ አሹዲ፤ ቃሲ ታ ቢታ አሳይኔ አዪሁዳ ጊዳና አሳይ ቦንቁ ዲጊዳ አሹዲኖ። ቃሲካ ካታማይ፡ ባዙ፡ አባይ፡ ታና ያሺሴዲ፤ ዋርዲዋ ዳባቱካ ታና ቦንቁ ዲጊዳ አሹዲኖ። 27 ታኒ ዳቡራዲኔ ሜቶታዲ። ዳር ጌዳ ጌሚዒሹዋ ጳያዲ፤ ኮሻታዲ፤ ሳሜታዲ። ዳር ጌዳ ፆማዲ፤ ቃሲ ማጌታዲኔ ካሎታዲ።

28 ሃራባ ኡባፔካ ኡባ ጋላሲ ታው ቶኩዋ ጊዳዳባይ፡ ዋሳ ጎሊያ ኡባው ሂርጊያዋ። 29 ዳቡሪያዌ ኦኒ? ታኒ ዳቡሪኪታዬ? ናጋራን ጌሊያዌ ኦኒ? ታኒ ኡንዔታዳ ኦው ቃሬቲኪታዬ?

30 ታኒ ጩቄታናው ኮሺያዋ ጊዳፔ፡ ታኒ ዳቡራንቻ ጊዲያዋ ኤሪሲያዋን ጩቄታና። 31 ሜዲናው አንጃቲዳ ፆሳይ፡ ኦ ጎዳ ዩሱሲ ኪሪሰቶሳ አዉ፡ ታኒ ዋርዲቲናዋ ኤሬ። 32 ዳማሰቆ ካታማን አሬታሳ ጊያ ካቲያፔ ጋርሳና ጋዲያ ሞዲያዌ፡ ታና ኦይላናው ዳማሰቆ ካታማ ናጊሴ። 33 ሺን ካታማ ጊሞቢያ ዲርሳ ማሰኮቲያና ታና ታዪያን ዲጌ ዋሊና፡ አፔ ኬሳ አካዲ።

12

ጳውሎስ ሳፃ

1 ጩቄቲያዌ ታው አዪኔ ጎዔናዎ ገደፔካ፡ ታኒ ጩቄታናው ቤሴ። ሺን ታኒ ሳፃባኔ ጎዳፔ ቆንጩዳዎ ሃሳያና። 2 ታማኔ ኦይዲ ላይላፔ ካሴ፡ ሄዜንሉ ሳሉዎ ፑዴ ቤዳ ኢቲ ቢታኒያ፡ ኪሪሰቶሳ አማኒያዎ፡ ታኒ ኤራይ፤ ሄ ቢታኒ ባሬ አሳቲላን ቤዴ ዎይ ሳፃን ቤዴንቶ፡ ታኒ ኤሪኬ፤ ያሳይ ኤሬ። 3 ሄ ቢታኒያ፡ ሄዜንሉ ሳሉዎ ፑዴ ቤዳዎ፡ ኤራይ፤ ኢ ባሬ አሳቲላን ቤዴንቶኔ ዎይ ሳፃን ቤዴንቶ፡ ታኒ ኤሪኬ፤ ያሳይ ኤሬ። 4 ሄዎን ሄ ቢታኒ አሳይ ሃሳያናው ዳንዳዬናዎ፡ አሳ ኢንፃርሳዪካ ሃሳያናው ዳንዳዬናዎ ሲሴዳ። 5 ታኒ ሄ ቢታኒያባን ጩቄታና፤ ሺን ታኒ ዳቡራንቻ ገዲያዎ ኤሪሲያ ዲራው፡ ታ ሁጲያን ጩቄቲኬ። 6 ታኒ ጩቄታናው ኮዪያዎ ገደፔካ ኤያ ገዲኬ፤ አዪሲ ጎፔ፡ ታኒ ቱውዎ ሃሳያይ። ሺን አሳይ ታዎ ታናን ቤዒያዎፔኔ ታፔ ሲሲያዎፔ አሊዴ ቆፔና ማላ ናጌታይ።

7 ቃሲ ያሳይ ታው ዳር ቆንጩዳ ዎልቃማ ዩወዎፔ ዳንዴዳዎን አቶራቲናዲን ዲጋናው ታና ጫዲ አይቋያ፡ ሲፃና ኪታንቻይ፡ ታና ሜቶላናወኔ ታኒ አቶራቲና ማላ፡ ታና ናጋናው ታው ኢሜቲዳ። 8 ሄዎ ታፔ ሻካና ማላ፡ ታኒ ጎዳ ሄዙ ጌዴ ዎሳዲ። 9 ጎዳይ ታና፡ «ታ አቶ ኬካቲላይ ኔው ገዳናዎ፤ አዪሲ ጎፔ፡ ታ ዎልቃይ ኔ ዳቡራን ፖላቲ» ያጌዳ፤ ሄዎ ዲራው፡ ኪሪሰቶሳ ዎልቃይ ታናን ዳዓና ማላ፡ ታ ዳቡራን ጩቄታናው ታኒ ዳር ናሺታይ። 10 ታኒ ኪሪሰቶሳ ዲራው ዳቡሪያዎን፡ አሳን ቦሬቲያዎን፡ ዎይቲያዎን፡ ዩዴርሴቲያዎን፡ ሜቶቲያዎን ናሺታይ፤ አዪሲ ጎፔ፡ ታኒ ዳቡሪያ ዎዴ፡ ሄ ዎዴ ሚናይ።

ጳውሎስ ቆርንቶሳ አሳሲ ኢንዔቲዴ ቆፔዳ

11 ታኒ ጩቄቲዳዎን ኤያዲ፤ ሺን ሄዎ ሂንቲ ታና ዎልቃን አሲሴዲታ፤ አዪሲ ጎፔ፡ ሂንቲ ታና ጋላታናው ቤሴ፤ ታኒ አያኒኔ ኤሬቲናን ጳዮፔካ፡ ዩሱሲ ኪቲዳ ቶቃ ጌቲቲዳ ኡባቲዎፔ ላፊኬ። 12 ታና ዩሱሲ ኪቲዳዌ ቱማ ገዲያዎ ኤሪሲያ ማላይ፡ አራሳባይኔ ዎልቃማ አሱ ሂንቲ ገደን ዳር ጌንጫን አሴቲዳ። 13 ታኒ ታ ሁጲያን ሂንቲና ዎዪሳቤናዎፔ አቲን፡ ሃራ አማኒያ አሳቲዎፔ ሂንቲ አያኒ ላፊቲ? ሃያና ታኒ ሂንቲና ናቄዳዎ ታው አቶ ጌቲ።

14 ታኒ ሂንቲኮ ባናው ገሳዴፔ፡ ሃዌ ታው ሄዜንሉ ዎዴ፤ ታኒ ሂንቲና ዎዪሲኬ። ታኒ ሂንቲና ኮዪያዎፔ አቲን፡ ሂንቲ ሚሻ ኮዪኬ፤ አዪሲ ጎፔ፡ አወኔ አታ ባሬንቲ ናናው ሚሻ ሚንጂያዎፔ አቲን፡ ናናይ ባሬንቲ አዎኔ አቲው ሚንጂኪና። 15 ታኒ ሂንቲ

ሼምፖ ታው ዲዲያዎ ታናና ጋላዴ ናሼቻን አማና፤ ያተና፤ ታኒ ሂንቴና ሎይላ ሲቂያ ዲራው፤ ሂንቴ ታና ላፋ ሲቂቴ?

16 ጊደፔካ፤ ታኒ ሂንቴና ዋዪሳቤይኬ፤ ሺን ሂንቴ ታና፤ «ኔኒ ኑና ጨማዴ ማካላን ኦይቃዳ» ያጋኒታ። 17 ታኒ ሃራይ አቶ፤ ሂንቴኮ ከቴዳ አቲ አሳ ባጋናካ ሂንቴፔ ጎዔታዲታ? 18 ቲቶ ሂንቴኮ ባና ማላ፤ ታኒ ዋሳዲ፤ ቃሲ አማኒያ አሻካ እናና ዬዳዲ። ቲቶ ሂንቴፔ ጎዔቴዴ? ኑኒ ኑ ኦሱዋ አቲ ቆፋን አሊቤይኮ? ቃሲ ኑ ሃኑካ አቲዋ ጊዴኔዬ?

19 ኑኒ ኡባ ዋዴካ ሂንቴ ሲንላን ኑ ሁጰው ሞቴቲያዋ ሂንቴንቶ ማላቲ? ኑኒ ከሪሰቶሳን ዲዲያዋንቴዳን፤ ያሳ ሲንላን ሃዲ ጋካናሲካ ሃሳዬቶ። ኑ ሲቃቶ፤ ኑኒ አሊያ ኡባባይካ ሂንቴና ማዳናሳ። 20 አዪሲ ጎፔ፤ ታኒ ሂንቴኮ ቢያ ዋዴ፤ ኑኒ ኤሪ ታኒ ኮዪያዋ ማላ ሂንቴ ጊዴናን አጋኔንቶኔ፤ ቃሲ ታኒካ ሂንቴ ኮዪያዋ ማላ ጊዴናን አጋኔንቶኔ። ቃሲ ኑኒ ኤሪ ሄዋን ፓሉሚ፤ ቃናቲ፤ ሃንቁ፤ ዮራይ፤ ዘጊርሳይ፤ ሳርቴላ ዲጉሳይ፤ ኦቶሩ፤ ሜቲ ዴዔናን ዋዪ አጋና፤ ታና ያሼ። 21 ታኒ ሂንቴኮ ላዔሉዋ ቢያ ዋዴ፤ ታ ያሳይ ሂንቴ ሲንላን ታና ካወሻኔንቶኔ ያያይ፤ ታኒ ናጋራ ካሴ አሊዴ፤ ባሬንቴ አሊዳ ቲናቴላፔ፤ ዋሹሚያዋፔኔ አሙዋፔ ሲሚቤና ዳር አሳቶ ዬኬናን አጊኬ ጋዴ ያያይ።

13

ወርሴላ ዞሪያኔ ሳርታ

1 ሃዌ ታው ሂንቴኮ ዩሳይ ሄዘንሉ ዋዴ። አይ ሞቲካ ላዑ ዋይ ሄዙ ማርካይ ማርካቲና ፐርዴታናው ኮሼ። 2 ታኒ ላዔንሉዋ ሂንቴናና ጋኬቴዳ ዋዴ፤ ሂንቴና ናጌቲቲ ጋዲ፤ ሃዲካ ሃኩዋን ዴያፔካ፤ ሂንቴና ናጌቲቲ ጋይ። ታኒ ቃሲካ ሂንቴኮ ቢያ ዋዴ፤ ናጋራ ካሴ አሊዳዋንታካ ቃሲ ሃራቲዋ ኡባቲዋካ ሙሪናን አጊኬ።

3 አዪሲ ጎፔ፤ ከሪሰቶሲ ታ ባጋና ሃሳዪያዋ ኤሪሲያዋ ሂንቴ ኮዪታ። ኢ ሂንቴናና ሃሳዪያ ዋዴ አ ዋልቃፔ አቲን ቤቲያዌ አ ዳቡራ ጊዴና። 4 አዪሲ ጎፔ፤ ከሪሰቶሲ ማሰቃሊያ ቦላ ሚሲሚሪያን ጳሼቲዴ፤ ዳቡራን ካቄቴዳ፤ ሺን ያሳ ዋልቃን ፓፃ ዴዔ። አዪሲ ጎፔ፤ ኢ ዳቡራንቻ ጊዴዳዋዳን፤ ኑኒካ ዳቡራንቻ፤ ሺን ሂንቴናና ሃሳዪያዋን ኑኒ ያሳ ዋልቃን እናና ዴዓና።

5 አማኑዋን ሂንቴ ሚኒ ዴዒንቶ አኔ ሂንቴና ፓጨቴ፤ ሂንቴና ቢዲቲ። ከሪሰቶሲ ሂንቴናን ዴዒያዋ ሂንቴ ኤሪሲቴ? ሃዌ

13:1 ዛር 17:6፤ 19:15

ጳዮፔ ፓጨያን ኩንዴዲታ ጉሳ። 6 ኑኒ ፓጨያን ኩንዴቤናዎ ሂንቴ ኤሪያዎ አማናይ።

7 ሂንቴ ኢታባ ሙሌካ ኦፊና ማላ፣ ኑኒ ያሳ ዎሴቶ። ኑኒ ፓጨያ ዳንዳዩያዎንታ ገዲዴ ቤታናሳ ገዴና፤ ሺን ኑኒ ፓጨያ ዳንዳዩናዎንታ ማላቲዴ ቤቶፔካ፣ ሎዎባ ሂንቴ አላናሳ። 8 አዪሲ ጎፔ፣ ኑኒ ቱሙዎ ፃላላው አላናፔ አቲን፣ ቱሙዎፔ ሃራ አዪኔ አላናው ዳንዳዮኮ፤ 9 ኑኒ ዳቡራንቻ ሺን ሂንቴ ዎልቃማ ገዴዴ ናሹቴቶ። ሂንቴ ፖሎ ገዴና ማላ ኑኒ ያሳ ዎሴቶ።

10 ታኒ ሂንቴፔ ሃኩዋን ዴዳዴ ፃፌዳዌ ሄዎ ዲራሳ፤ ታኒ ሂንቴኮ ቢያ ዎዴ፣ ጎዳይ ታው ኢሜዳ ማታኒ ዜምፓዴ፣ ሂንቴና ማቶላናው ታና ዋዪ ኮሻና። ሄ ማታይ ታኒ ሂንቴና ኬፃናው ታው ኢሜቴዳዎፔ አቲን፣ ሂንቴና ኮላናው ኢሜቲቤና።

11 ዉርሴላን ታናዳን ያሳ ካሊያዎንቶ፣ ሳሮ ዴዳቴ፤ ባሊ ባይናን ዴዳቴ፤ ታ ዘሪያ ሲሲቴ፤ እቲ ዎዛና ገዲዴ ዴዳቴ፤ ሳሮቴላን ዴዳቴ። ሰቁዎኔ ሳሮቴላ ያሳይ፣ ሂንቴናና እቲፔ ዴዳና።

12 እቲ እቲዎና ጌሻ ዩሬታ ዩሬቲዴ ሳሮቴቲቴ። 13 ያሳ አሳ ኡባቲ ሂንቴና ሳሮ ሳሮ ገኖ።

14 ጎዳ ዩሱሲ ኪሪሰቶሳ አጼ ኬካቴላይ፣ ያሳ ሲቁ፣ ጌሻ አያና ኢቲፔቴላይ ሂንቴናና ኡባና ገዴ። አሜንዲ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c